

樂縣志卷七

志兵燹

威烈王十一年田公子居思伐邯鄲圍平邑

通鑑外紀作九

年齊伐趙東鄆圍平邑

十六年齊田盼及邯鄲韓舉戰於平邑邯鄲之師

敗通遂獲韓舉取平邑

通鑑前編作十四年齊田盼及趙戰於平邑獲趙將

韓舉取平邑以
上據竹書紀年補

漢

靈帝中平元年八月皇甫嵩與黃巾賊張角戰於倉

亭獲其帥

獻帝建安六年四月曹操破袁紹於倉亭

晉

穆帝永和六年六月趙將張賀度起兵討魏

冉閔僭國之號

會於昌城將攻鄴與魏戰於倉亭敗績

唐

高祖武德五年皇太子建成兵至昌樂及劉黑闥戰

於魏州

高宗寶應元年僕固瑒等追擊史朝義於昌樂東敗之

德宗建中二年魏博田悅反四鎮來援屯兵五花營
馬燧討田悅屯兵平邑

五代梁

末帝乾化五年劉鄩濟河屯昌樂以逼魏人魏人遂
以地歸於晉明年晉改縣爲南樂

五代晉

後主開運元年正月契丹趙延壽寇南樂

明

憲宗成化九年秋清豐盜馬鳳等聚衆數百擾及境

內

武宗正德六年薊盜劉六等犯境與遊擊將軍許泰
戰敗乃遂解去

莊烈帝崇禎十三年四境寇生

十五年十一月流寇破城死者十之三

國朝

世祖章皇帝順治五年土寇圍城城瀕危

以上據府志
刪補舊志

文宗顯皇帝咸豐十一年三月東匪入城焚署廨及民居四

月九月賊復遞次入境是年各村社始立鄉團

宣宗毅皇帝同治六年十一月馬賊自東北入境過縣南而

西渡衛河北繞入大名縣界

七年正月壬子癸丑甲寅連夜四野見火光如有
人馬狀三月豫匪過城南闊二十里東北竄大兵
隨其後

按兵燹者生人之大患而古今之所必不能無
者也知其不能無而思患豫防之道出焉謹小
慎微勿爲禍始之義亦出焉嗚呼天耶人耶亦
豈一人之故耶

志祥異

元

世祖至元二十八年八月霖雨害稼詔免其租

成宗元貞二年六月旱蝗

大德五年四月蟲食桑

順帝至正

舊志作至順誤

六年饑詔遣制國用司官驗而賑

之

十二年六月水旱蟲蝗詔給鈔賑之

明

宣宗宣德三年七月大水饑

七年

舊志作九年誤

五月大水沒田詔免其租

八大旱自七年冬至本年夏六月不雨麥禾盡

槁遣官覆視蠲其租

九年蝗遣官馳驛督捕

英宗正統五年大有年麥雙歧禾三穗

憲宗成化九年六月大水詔發倉賑之

二十年大饑人相食

二十三年大饑人相食

武宗正德二年境內訛言有眚暮出食人衆擊銅鐵

爲聲旬月乃息

三年舊志作二年誤地震

八年旱詔賑卹有差

九年五月雨雹如卵如碗傷麥禾人畜死者甚衆
十年大旱

世宗嘉靖二年三月大風晝晦踰旬始息

五年十二月地震

六年春夏大旱自三月不雨至六月乃雨

七年秋大旱詔免田租十之八大賑時斗米過千
錢始行折半錢小民艱難爲尤甚

九年大水詔免田租十之七發粟賑卹

十二年秋霖雨四旬乃止

十四年蝗

十五年復蝗禾且盡

十六年大霖雨自二月至八月乃止

十七年夏旱秋大水

十九年秋蝗大饑

二十三年黑風晝晦著物皆火

二十四年有年

二十八年大旱無麥

三十年有年十一月地震

三十四年十二月地震有聲

三十六年

舊志作三十五年誤

秋漳衛水決泛及境內遂成

巨浸民有攀棲木杪者巡按姜公行縣命有司省里甲之供捐不急之費民以不困

三十七年大有年巡按御史姜公檄郡縣入穀備賑

二十八年有物不見其形入訓導周栗宅擲瓦發火有頃撞明倫堂鐘

三十九年大旱自正月至七月不雨木皆枯死
四十年縣東王落村大雷雨有物墜下偃禾數畝

四十二年秋大熟

穆宗隆慶六年九月十七日午時羅疇村有火光自空中墜地掘之尺許得石紅色尙溫若杵形擊爲三其色轉黑研之其末轉白

神宗萬厯二年四月火生樹上

十三年三月甲申夕黑風驟至折屋飛瓦十四日黎明止雨沙尺餘

熹宗天啟三年十一月辛酉戌刻地震房舍俱動壞城數丈

四年大水

五年春風霾蔽日越年及申三時方息

莊烈帝崇禎四年夏大霖雨四旬乃止

九年大水傷禾

十二年秋飛蝗遍野食稼幾盡

十三年三月雨土麥盡枯瘟疫始行

十四年大疫死者十之七春無雨蝻食麥歲大歉
斗米千錢人相食

國朝

世祖章皇帝順治九年大水陸地行舟

十一年夫有年

聖祖仁皇帝康熙三年大有年

六年正月戊寅大雨雪迅雷

七年六月甲申戌刻地震有聲

十一年春蝗秋復蝗厚盈尺禾稼盡

十三年正月大雨雪震雷

十五年夏大水

十八年秋霖雨四旬乃止

三十一年春大風晝晦空中有火光著鐵皆明白
申至亥乃息

三十四年四月丁酉申刻地震

三十八年夏大風雨拔樹飛瓦屋蓋有全揭去者
四十二年大水陸地行舟直至會通河歲以大禱
知縣李天錫詳請開賑捐俸煮粥全活甚衆

四十三年春疫夏麥大熟

四十七年旱小饑

四十九年大有年麥雙歧禾三穗

以上據府志
刪補舊志

五十三年有年

高宗純皇帝乾隆二十二年衛河溢災及境內

二十四年有年

三十三年水

三十八年有年

五十一年旱平糶睿穀

仁宗睿皇帝嘉慶六年大水

八年雨雹

十五年正月風霾平地積沙二寸許

十八年無麥禾

十九年有年

以上據府志增

二十四年十二月戊申大雪平地深數尺人畜多

凍死者

宣宗成皇帝道光元年秋大疫